

四庫全書

子部

欽定四庫全書

子部

普濟方卷四百八

詳校官太醫院八品吏目臣黃發

編修臣倉聖脈覆勘

總校官進士臣繆琪

校對官中書臣李斯咏

謄錄舉人臣薛炳文

欽定四庫全書

普濟方卷四百七

明

周王朱橚撰

嬰孩諸瘡腫毒門

赤瘤

附論

夫小兒身上或一片片赤色如臙脂染及熱漸引者此
名丹毒俗謂之瘤若因熱而得者色赤或因風而得者
色白皆腫而壯熱也可用一小鉞刀鎌去其惡血毒未
入腹者可療也

方

升麻散 治小兒心熱身上赤瘤色如臙脂皮膚壯熱

川升麻

川大黃

微炒各半兩

犀角屑

黃芩

各一分

川

朴硝

半兩

梔子仁

木通

各一分

元參

半兩

甘草

炙一分

右搗羅為散每服一錢以水一小盞煎至五分去滓放溫不計時候量兒大小分減服之

木通散 治小兒身體赤瘤片片赤色如臙脂染毒氣

漸引者

川大黃炒 川朴硝各半 梔子仁 甘草各一 川升

麻半 木通一

右搗羅為散每服一錢以水一小盞煎至五分去滓

溫服量兒大小加減

大黃散 治小兒赤瘤熱如火

一名截毒散

川大黃生用 鬱金 黃蘗 膩粉各半 猪牙皂莢去皮

子半 兩

右搗為散以生油調塗一方無黃蘗有芍藥

又方

護火草汁

三合

赤地利

末

膩粉

各一錢

右藥相和量兒大小分減服之良久瀉下血片為效

其滓傳在赤處亦佳

治小兒赤癰半身色紅漸漸展引不止

川大黃

生一兩

赤小豆

半合炒今紫色

川朴硝

三分

右羅為末以鷄子清調塗乾則易

又方

牛膝

一兩
去苗

甘草

半兩
生用

右細剉以水一大盞煎至五分去滓調伏龍肝末塗之立效

又方

李子油

三
兩
硃砂
一分
末

右藥調如膏塗之

又方

用醬汁塗之

又方

用羅摩汁塗赤處隨手便瘥

又方

用蕎麥麪以醋調塗之不過三兩上瘥

又方

用胡荽汁塗之

又方

用白礬一兩以水煮冷熱得所洗之

又方

用燒粉家洗瓮水塗之

又方

用紅藍花末以醋調塗之

又方

用蕓薹葉搗爛塗之

又方

用砒霜不限多少細研於硯中著水入霜以墨濃研

用筆點塗之良久以冷水洗後更塗以瘡為度

又方

用瓠蘆根搗末以醋調塗之乾即瘡

又方

用糯米水研如粥塗之乾再塗

又方

用粟粉炒令黑以唾調塗之

朱流朱風 針刺瘤頭出血

點麻油
次用藥

朴硝 赤小豆 大黃 薄荷 側柏

等分

右為末水調苦菜汁刷赤處周匝仍服羌活散柴胡湯並加荊芥防風蟬蛻仍審虛實用藥可也

身有赤處

附論

夫小兒陰汗為風邪熱毒所傷與血氣相搏熱氣蒸發其肉色赤身壯熱也

方

丹參散 治小兒身上有赤引於頰上或口傍眼下赤

如瞤脂面上皮即皴剝漸漸引多此是心熱血凝所
為其治法宜以小刀子鋒頭鎌破令血出後宜服此
藥

丹參

黃芩

各一分

麻黃

半兩去根節

葛根

枳殼

麩炒黃

犀角屑

各一分

右搗羅為散每服一錢以水一小盞入竹葉十片竹
茹半分煎至五分去滓溫服不計時候量兒大小分
減服之

麥門冬散

治小兒身上有赤煩熱

麥門冬

半兩
去心

蘆根

葛根

犀角屑

漏蘆

甘

草

炙微赤
各半兩

右搗羅為散每服一錢以水一小盞入竹葉十片煎至五分去滓溫服不計時候量兒大小加減

鈎霜散

治小兒身上有或瘀腫或如火丹煩渴渾身

赤引壯熱

鈎霜

菴豆粉

各半
兩

右細研為散以雲臺菜汁調塗之

又方

用伏龍肝半兩乳髮二兩燒灰細研為散以水調塗
亦處效一方用桃仁浸去皮研爛以脂和塗又方用
用黃蒿穗以水濃煎入鹽少許溫溫洗之一方用白
礬細研以生油調塗一方用芭蕉根搗絞汁塗之

又方

用水中苔搗末以水調塗之

又方

用川芒硝以水研塗之

又方 治小兒身有赤腫起者

用熬米粉令黑以唾和傅之

皽瘡

附論

夫小兒皽瘡者由風熱毒之氣所傷客於皮膚生皽漿而潰成瘡故名皽瘡也

方

梔子膏 治小兒皽瘡

梔子仁 川升麻

犀角

各半兩

蛇銜草

三分

藍葉

兩

生地黄

兩一分

黃芩

兩半

川大黃

兩一分

右細剉以猪脂一觔同於鍋內以微火煎令藥色變

濾去以瓷盒盛候冷塗之

水銀膏 治小兒皽瘡

水銀

一分

膩粉

一分與水銀於手

掌中以津研如泥

松脂

土蜂房

各一

兩
黃蘗 川大黃

生用各一兩

右搗羅為末以煉成猪脂一觔與藥末同入鐺中慢熬令稀稠得所將水銀膩粉入膏中攪令勻膏成以瓷盒盛候冷塗之不過三五上瘡

硃砂膏 治小兒頭上燥漿起如釘蓋一兩日後皮面

及胷背皆生瘡

硃砂

半兩

胡粉

二兩

水銀

半兩

右點少水都研令水銀星盡以臘月猪脂三兩入鉚子內慢火上鎔化去滓入硃砂等攪成膏以瓷盒收

候冷塗之瘡

治小兒卒得慄瘡赤爛

用牛糞燒灰細研傅瘡上日三用之

治小兒瘡初起慄漿似火瘡名曰慄瘡亦名爛瘡
用桃仁熟搗以面脂和傅之亦治徧身赤腫起

又方

用馬骨燒灰傅之

治小兒卒得慄瘡爛瘡

用鐵煨淬水中二七遍以浴兒二三遍能治燥瘡漿
生地黄膏 治小兒燥漿瘡毒氣發於遍身者

生地黄 川升麻 藍葉 梔子仁 川大黃
各一兩

用細剉以猪脂八兩同於鍋內以慢火煎令藥色變
瀉去滓以瓷盒盛候冷每用少許塗患處

疥

附論

夫小兒瘡疥率因於蟻蟲變化而生小兒多此疾仍喜

生於手指縫間浸淫遍體近煖及衣服過厚則痒悶不
任搔之黃汁出疼痛不止盖由風熱客於脾肺散於肌
肉薰發皮膚使然也有夫來買苦參欲治疥不識藥性
緩急但問人曰可治濃煎一碗服
之須臾大吐涎一盆
三二日疥即痂矣

方

苦參丸 治小兒風熱肺疳皮膚生疥鼻內瘡痒

苦參

四兩以酒三
升熬成膏

胡黃連

二分棟實

去皮炒

蕪荑

炒虻

娘

去皮翅炙

木香

各三兩

右搗羅六味為末入苦參膏內和搗如硬入蜜少許
和丸如麻子大一二歲每服五丸食後溫水下更量
兒大小加減

治小兒瘡疥體熱

黃連

去鬚為末

糯米粉

各二兩

水銀

一兩研

胡粉

炒一兩半

吳茱

萸

湯浸炒為末

赤小豆

為末各一分

右先以水銀和津於手中研如泥次以猪脂四兩入
籠器內慢火化去滓下五味藥末攪勻成膏先洗瘡

拭乾塗之

雄黃膏 療小兒瘡疥癢搔之成膿瘡不止宜用

雄黃

研

雌黃

研各一兩

烏頭

一枚

松脂

亂髮

各一雞子大

豬

脂

一觔

右件藥除雄黃雌黃外以煉成豬脂一觔於鐺中煎出油下烏頭松脂亂髮等候烏頭色黑亂髮消盡膏成綿濾去滓入雄黃雌黃攪令勻盛於不津器中候冷塗瘡上日三用之

黃蘗散 治小兒疥身上熱瘡並治之

黃蘗

炙

黃連

去

赤小豆

梔黃

各一兩

水銀

半兩

硫黃

一分與水銀結為沙子

右搗羅為末與梔黃水銀砂子同研令細用生油調日三塗之效一方無硫黃名三黃散

黃連散 治小兒瘡疥體熱

黃連

去

黃蘗

去粗

秫米

炒各一兩

赤小豆

膩粉

研各一分

右搗研為散油塗舊帛上先洗去瘡痂封之

蛇床子散 治小兒瘡疥癢痒不止

蛇床子

茱萸

湯洗焙乾

硫黃

研

蕪荑仁

研各一分

膩粉

少許

研

右搗研為散用油一合入葱一莖同煎候葱黃色停
冷調藥塗之硫黃同研

黃連散 治小兒疥遍身皆有疼痒不止

黃連

二兩去鬚

胡粉

吳茱萸

一兩

赤小豆

一百粒

水銀

二兩

與胡粉點少水
同研令星盡

右除胡粉水銀外搗羅為末入胡粉水銀同研令勻
以臘月豬脂和塗之亦治癰瘡

苦參湯 治小兒疥及諸瘡洗浴

苦參 丹參

苦楝根

各半兩

防風

半兩

蒴藿根

兩

右細剉和勻以水一斗煎至五升濾去滓於密室中
洗浴兒以故帛拭乾即塗前膏

梟黃膏 治小兒胎中受風長後身體生疥瘙痒不止

梟黃

硫黃

各一分

葱白

一莖細切

右研細用清油一兩入鍋子內熬令熱下少許臘及
葱白次下硫黃梘黃攪令勻膏成以篋盒盛旋旋塗
之

治小兒疥痒不止方

硫黃

二兩

白礬灰

四兩

右細研為散以烏麻油調如稀麪糊炙令疥熱薄塗
摩之

治小兒疥瘡

用亂髮灰以猪膏和塗之

治小兒疥痒痛不可忍

硝石

一兩

右研為散以生油調如膏每用時先以泔清洗之拭乾塗之

又方

用羊蹄根搗末以猪脂和塗之

又方

用硫黃細研以醋調傅之

治小兒疥

用燒竹葉為灰鷄子白和傅之日三上亦治疥瘡

又方

用臭酥胡粉傅之

治小兒頭面瘡疥

用麻子五升為末以水和絞取汁與蜜和傅之若得

白犬膽傳妙

治小兒去瘡疥鬼疰驚癇

用虎骨煮汁浴

治小兒壯熱一切瘡疥皮膚癢痒

用梓白皮煎湯洗之梓枝皮有數般惟楸梓佳餘不堪

治小兒瘡疥

以繭子蛹汁為湯浴之亦能殺蟲

治小兒瘡疥

以枕襯煮湯浸洗之良

癬

附論

夫小兒體有風熱脾腑不利或濕邪搏於皮膚壅滯血氣皮膚頑厚則變諸癬或長或圓漸漸長大得寒則稍減煖則痒悶搔之即黃汁出又或在面上皮如甲錯乾燥謂之妳癬此由飲乳乳汁漬著乃生復以乳汁洗之

方

雌黃膏 治小兒癩癬風痒不計乾濕不絕

雌黃

研

黃連

去

莽草

蛇床子

炒

黃蘗

去粗

苦參

兩半
蕪荑

炒半

藜蘆

硝石

研各

一分
松脂

二兩

杏仁

去

皮尖雙仁別
研如膏一兩

右除雌黃松脂杏仁外搗羅為末取臘月猪脂入鎗

中煎令沸下杏仁次下諸藥末攪勻凝為膏每用先

以醋泔洗拭乾塗之一方於故帛上貼日二換之

雌黃膏

治小兒癬久不瘥

雌黃

細

研多年薤根

白礬

藜蘆

去蘆

頭瓜蒂

胡

粉

各一分

水銀

三分與胡粉點少水同研令星盡

右搗羅為末入胡粉水銀同研用猪脂調為膏輕搗

塗之

附子散

治小兒濕癬

附子

生用去皮臍

雄黃

研

白礬

燒灰研

吳茱萸

湯浸炒各一兩

米

粉

半兩

右搗研羅為散每日三次用綿搵撲之

白礬膏

治小兒癬痛不止

白礬灰

硫黃

膩粉

各一錢

綠礬

半兩

川大黃

一分末

右藥同研為末以米醋一升熬如黑錫收放瓷器中旋取塗之妙

金華散 治小兒一切乾濕瘡癬疳瘡等

黃蘗

末

黃連

各半兩為細末

黃丹

一兩水飛

輕粉

一錢

麝香

一字研

右同研勻先以溫水洗後貼之如乾癬瘡用臘月猪脂和傅如無用麻油亦可

桑螵蛸散

治小兒一切瘡癬痒痛不止

桑螵蛸

十枚燒存性二分

膩粉

一麝香半錢

右研為散用生油調翎掃候乾有裂處再掃

青金散 治小兒濕癬浸淫瘡

白膠香

二兩研

蛤粉

半兩

青黛

二錢半

右研勻為末細乾糝瘡上

治小兒癬雜瘡

白膠香

黃蘗

輕粉

各等分

右為細末以羊骨髓調塗癬上

桃紅散 治小兒疥癬瘡

明礬

煨二兩

嫩松香

末四兩

黃丹

煨二兩

右為末用燭油調傅之

雄黃散 治小兒乾濕痒癬

雄黃 麝香

各一分

右細研為散甲煎油調塗之乾再上

治小兒癬不計乾濕癢痒不絕

羊蹄根

一兩
乾笋

燒灰

右為末以麻油調塗之

治小兒久癬

篇蓄根

去土一把

附子

二枚去皮臍生用

右搗令爛以好酒和塗之每塗藥時先以皂莢湯淨洗拭乾後用藥日二塗之

治小兒乾癬方

水銀

半兩

胡粉

一兩

右二件藥點少水同研令星子盡以鷄冠血和塗之

治小兒諸癬及癢痒

用羊蹄根取汁以蜜和勻先刮瘡四邊以葉乾之半日許拭去更以陳米醋和羊蹄根滓傳瘡上

又方

用槐白皮五兩剉以水一升煎三五沸候冷數洗之

治小兒乾濕癬

用乾蟾燒灰細研以猪脂和塗之

小兒癬久不瘥宜用

黃礬

一兩
燒灰

右細研每用先以水淨洗拭乾塗之

又方

用薤根以醋搗和塗之

又方

用醬瓣雀糞相和研塗之

又方

用楮樹白汁塗之

治癬瘡內有蟲痒不可忍兼治濕癬

蛇床子

一味研
為細末

右以滓泡湯洗淨令破次用臘月猪脂和傅患處一
日用二次一方先煎韭菜湯洗

灸甲散 治眉叢中生瘡名曰鍊銀癬一名前甲散
用穿山甲前膊鱗灸焦為末清油輕粉和傅

治小兒濕癬

用桃樹青皮為末和醋傅上日二次

又方

用枸杞根搗作末和臘月猪脂傳之

又方

用煎馬尿以洗之甚妙

又方

右搯破以牛鼻上津傳之

治癬及室女花癬小兒妳癬

用韭菜根汁先搯破次塗之

治襁褓小兒面上生疥癬

用白膠香碾為極細末酸漿水調傅日上兩次

治小兒疥癬瘡

用燒狗屎灰和猪脂塗之

摩風膏 治小兒遍身疥癬痒

苦參

漚青

蕪荑

炒

黃蠟

各一錢

巴豆

三粒去殼

輕粉

五分

真麻油

半兩

蠟二箇

右同油煎至巴豆焦濾去所煎物入輕粉和勻傅疥

切效

黃連膏 治小兒癬疥赤腫及濕癬久不瘥

黃連

去鬚

黃蘗

去粗皮炙

蛇床子

炒

藺茹

水銀

手掌內唾研如

泥入膏中各一兩

礬石

煨別研

右搗羅前四味為末以臘月猪脂四兩同入鉢子內煎四五沸下礬石末又煎三兩沸取下良久下水銀攪如稀泥候冷先以清泔皂莢湯洗拭乾以火炙痒塗之日三上

芍藥散 治小兒疥癬癩

赤芍藥 黃連 蛇床子

等分

右為末入輕粉半錢麻油調塗洗破立效忌動風物

羊蹄散 治小兒頑癬久不瘥

羊蹄根

四兩判

白礬

半兩

右爛研入米醋小半盞不住塗之候覺癬痒至痛即止至隔日浴去不過三兩次愈

絳玉散 治小兒頭上并身上疳癬時復痒痛皮膚破

爛濕潤不止

黃丹

炒紅
二兩

萊豆粉

炒黃
三兩

右為細末清油調鷄羽掃於瘡上後糝聖金散大有

神效

聖金散

石膏

黃芩

各一
兩

右為細末每用不拘多少乾糝在瘡上覆以絳玉散

神效

月蝕瘡

附論

夫小兒耳鼻口間生瘡者世謂之曰蝕瘡其瘡隨月生死因以為名也世云月初生小兒以手指之則令耳下生瘡故呼為月蝕瘡也凡日月蝕時忌食飲腹中生蠱蟲及房室生子不具足必患月蝕瘡亦不可與兒乳日月復後乃不忌今人口臭齒齲宣露常有血出舌上生瘡者皆由犯此所致耳日月蝕時須救不救出行逢暴雨其救月杖須收取治蠱之神藥患此者以之救療

方

水銀膏 治小兒月蝕瘡生在兩耳上出膿水不止

水銀

二兩 點少水與水
兩 胡粉 銀同研令星盡

黃連

二兩 去鬚
搗羅為末 松

脂

一兩

右入乳鉢內研令勻似粉瘡若乾用煉成猪脂和如膏每用先以鹽湯洗瘡令淨拭乾然後塗之

治月蝕惡瘡白肉

硫黃 藺茹 斑猫

等分

右件搗篩傳瘡上乾者以猪脂和傳之日三夜一
又方

地榆根 薔薇根 吳茱萸根

各三兩

右件搗篩以鹽湯洗瘡傳之日三

白礬散 治瘡生於兩耳鼻口間時瘡時發乃是濕搏
血氣之所生世謂之曰蝕瘡隨月生死因以為名世
云小兒見月初生以手指之則令耳下生瘡

白礬 蛇床子

各一兩

黃連

半兩

右為細末乾糝瘡上水調塗亦得一方加黃蘗三錢

薔薇散 治小兒月蝕瘡

薔薇根

一兩
細剉

地榆根

剉

虎頭骨

各半
兩

右搗羅細末每用一字先以溫鹽湯淨洗拭乾傳之

治月蝕瘡久不瘥

乾蟾

一枚五月五
日燒灰用

硫黃

一兩
細研

白礬

二兩燒
令汁盡

右細研為末傳瘡上

治小兒月蝕瘡

青蜓

一枚

母猪蹄甲

一枚

救月杖

一分

右燒為灰研為散以蜜水和塗

治小兒耳邊鼻下赤爛濕痒名月蝕疳瘡

黃丹

煨令赤
色一錢

菜豆粉

白礬

飛過各
一錢

右研細乾傳瘡上唾調亦可

治小兒月蝕瘡立效方

敗鼓皮

一兩
燒灰

蝦蟆

一枚
燒灰

右細研為散煉成猪脂和如膏塗之即瘥

治小兒痘及月初卽生常有黃水出

右用酢和油煎令如粥及熱傅之二日一易欲重傅則以皂莢湯洗瘡乃傅之為妙

治小兒月蝕瘡隨月生死

右以胡粉和酥傅之五日瘡又方以水和傅之

治月蝕九竅皆有瘡者耳後或耳下或鼻内生瘡是也

右燒蚯蚓尿末和猪脂傅之清油亦可

治小兒初得月蝕瘡

用五月蝦蟇燒杵末猪脂和傅之

療月蝕瘡

用虎頭骨二兩杵碎同猪脂一升熬令骨黃取油塗上

治小兒初生月蝕瘡及惡瘡

用蛇蛻皮燒灰為末和猪脂傅上

治小兒月蝕瘡

用小麥蘗搗羅為末傅之

又方

用黃連為末傅之

又方

用胡粉和土等分研如粉傅之

土用東
方壁土

又方

用敗鼓皮燒灰細研以猪脂和傅之

治月蝕瘡

用蟾酥燒灰為末猪脂和傅之

又方 治瘡發

用桃仁搗和蕎麥傳砂糖拂之

熱瘡

附論

夫小兒熱者是諸陽氣在表陽氣盛則表熱小兒解脫
腠理開則為邪所客風熱相搏留於皮膚則生瘡初作
癰漿黃汁出風多則痒熱多則痛血氣乘之則多膿血
故名熱瘡也

方

黃芩膏 治小兒熱瘡黃膿出

黃芩

一兩半

黃蘗

三兩

梔子仁

黃連

去鬚各三分

竹葉

二兩

生地黃

二兩半

胡粉

三分

川大黃

水銀

水少許與胡粉同研令星

盡

右除水銀胡粉外並剉如豆大以新綿裹用猪脂一觔半入鐺內於慢火上煎十餘沸候藥色紫去綿以布絞取汁候凝下水銀胡粉以柳木篦攪令勻膏成以瓷盒盛日夜三四度塗之

黃芩散 治小兒熱瘡生於身體

黃芩

三分

川升麻

石膏

各一兩

甘草

炙

元參

各半兩

柴

胡

去苗

川大黃

微炒各一兩

右搗為散每服一錢水一小盞煎至五分去滓溫服
量大小加減

梔子膏 治小兒熱毒瘡

梔子仁

川升麻

各一兩

犀角屑

三分

蛇銜草

黃蘗

五合生地黃

二兩

黃芩

一兩

右細剉以猪脂一觔半同入鐺中於微火上煎令十餘沸濾去滓膏成於篋盒中盛塗於故帛上貼之

水銀膏 治小兒熱瘡

水銀 胡粉 松脂

各三兩

右以猪脂四升煎松脂水氣盡下二物攪令勻不見水銀以傳之

枳殼散 治小兒身上生熱瘡心躁皮膚焮痛

枳殼

麩炒去穰

甘草

炙

黃連

去鬚各半兩

右羅散每服以蜜水調下半錢量兒大小加減

治小兒熱瘡黃膿出

黃蘗 白礬

燒令汁盡
各一兩

右羅為散傳於瘡上日用三次

又方

黃連

去鬚半
兩為末 膩粉 一分

右研令勻以甜菜汁和塗於瘡上日三用之

鷄子膏 治小兒熱瘡

右鷄子五枚去白取黃亂髮如鷄子許大二味相和
於鉄銚子內炭火熬初甚乾少頃即髮焦遂有液出
旋取置一瓷碗中以液盡為度取塗熱瘡上即以苦
參末粉之項在武陵生子月內便有熱瘡發於臂腿間
初塗以諸藥及他藥無益日加劇蔓延半身狀候至
重晝夜啼號不乳不睡因閱本草至髮髮本經云合
鷄子黃煎之消為水療小兒驚熱下痢注云今俗中
媼母為小兒作鷄子煎用髮雜熬良久得汁與小兒

服去痰熱主百病用髮皆取久梳頭亂者又鷄子本
經云療瘡因是用之果如神效

又方 治小兒熱瘡黃膿出及治惡瘡
用豆豉炒乾搗末傳之

又方

用伏龍肝搗末用鷄子白和塗之

治孺子熱瘡

以亂髮一團梨許大鷄子黃煮熟二物相和於鈹子

內炭火上熬初甚乾少頃髮焦遂有液出旋取置一
瓦盞中以液盡為度取此液傳熱瘡上即苦參粉粉
之劉禹錫云予在朗州生一子在於蓐中便有熱瘡
出於臀腿間初生以他藥傳無益加劇蔓延半身狀
候至重晝夜啼號不乳不睡予閱本草見髮經云合
鷄子黃煎之消為水治小兒驚熱注云今俗中嫗母
為小兒作鷄子煎用髮雜熬久得汁令小兒服去痰
熱治百病凡用髮皆取梳頭亂者鷄子本經云治火

瘡因而用之果驗已後用之無不瘥

治小兒熱瘡身熱頭熱瘡

以梓白皮作湯浴之并封傳

臍中瘡

附論

夫小兒臍瘡者由初生斷臍洗浴不淨拭乾濕氣在臍中因解脫遇風風濕相搏故臍瘡久不瘥也臍瘡不瘥風氣入傷經脉則變為癰也

方

治小兒臍瘡

黃蘗

一兩 釜底黑煤

三分 亂髮

右先搗黃蘗為末入二味合研令勻以傅臍中

治小兒臍赤腫

杏仁

半兩

猪頰車髓

十八銖

右先研杏仁如脂和髓傅臍上腫處

治小兒臍瘡久不瘥

乾蝦蟆

一兩 燒灰

白礬

一分 燒灰

右合研令細以傅臍上

又方

黃連

半兩
為末

胡粉

半兩

右合研令細以傅臍中

治小兒臍中生瘡

用桑汁傅乳上使飲之

又方

用飲羖羊乳及血

治小兒臍風遂作惡瘡歷年不瘥

用東壁土傅之大佳若汁不止燒蒼耳子粉傅之

又方

用乾蟻螯末粉之不過三四度瘥

治小兒臍不合

用車轄脂燒灰日一傅之

又方

用燒蜂房灰為末傅之

治小兒臍中生瘡

用燒甌帶灰和膏傳之

白石脂散 治小兒臍汁出不止兼赤腫

用白石脂研熬令微煖以粉臍瘡日三四度

治小兒臍風瘡久不瘥

用馬齒葉燒末傳之

治小兒瘡久不瘥

用龍骨燒灰細研傳之

治小兒臍中汁出不止并赤腫

用礬燒灰細研傅之

治小兒臍腫

用桂心炙令熟熨之日可四五度

治小兒臍瘡久不瘥

用蝦蟇一枚燒灰細研傅之

又方

用香豉炒令焦搗羅為末傅之

又方

用伏龍肝細研傳之

治小兒臍瘡不合

以黃蘗末塗之

凍爛瘡

附論

夫小兒肌肉柔脆外邪易侵故風寒搏於肌肉凝於氣血則致皴裂而生瘡或痒或痛其狀焮腫破出血汁在兩耳或手足間故謂之煉爛瘡

方

柏藥膏 治小兒凍爛瘡手足指欲墮及耳欲落

柏葉

炙乾為末三兩

麻油

三兩

頭髮

一團如鹽

研一分

乳香

研半

錢

蠟

半兩

杏仁

二十枚湯浸去皮尖別研如膏

右先煎油蠟沸即下諸藥以髮消為度攪勻貯瓷器中每用先以小便洗瘡綿纏手指裏乾厚塗膏即以軟帛裹之如脚指相淹處尤須多用膏裏帛紗厚以綿裏勿令寒氣得入每兩日一洗瘡換藥稍愈後三

四日一換

治小兒手足被凍皸裂欲脫方

川椒

芫薺

各半兩

白芷

防風

乾薑

各一分

右搗碎以水一大盞令濃去滓稍熱數用塗之

蜀椒湯

小兒冬天乳母不慎調適為寒氣傷與皮膚搏於血令炊腫生瘡世俗呼為煉瘡或偏發耳上

及手足是也一名白

薇散一名黃蘗膏

白薇

二兩

白芨

半兩

生麻油

二兩生用

右將白薇白芨同搗羅為散與油同研勻更入炊萊

金匱要略卷四十六
服一枚爛以酒調如糊先以童子小便洗手足後塗
上一方有黃蘗

白蘞散 治小兒冷手皴拆痛及脚瘰腫硬宜用牀蘸

方

蜀椒

去目并開口
者炒出汗

鹽

各二兩

右以清酒五升煎至二升數蘸之其藥可用五六日

附子散 治小兒冷足爛瘡

附子

生搗
二枚

乾薑

炮二兩

右搗羅為散入綿中裝裏如有瘡膿即調臘月猪脂塗之

小麥湯 治小兒冷脚或痒或痛成瘡

小麥

半升

稻草

三握剉

右用醋一升水二升同煎至二升去滓放溫洗足夜

間頻洗之效

白歛散 治凍耳成瘡或痒或痛

黃蘗

白歛

各半兩

右為末先以湯洗瘡後用清油調塗

獺猪脂膏 治小兒凍耳并手面皴痛

用獺猪脂一具研如膏入漿水少許候稀稠得所先用童子小便洗手面後以匙抄少許勻塗手面上一方以熱油浸一宿洗之

蘭花散 治凍瘡久不瘥

用馬蘭花子為末煎湯帶滓淋洗

生附散 治凍爛脚成瘡

用生附子半箇去皮臍為末麪水調貼之立愈

治小兒凍瘡

用雄雀兒腦髓塗之立瘥

治小兒指凍傷皸裂腫痛欲墮方

馬糞

十枚

右以水三升煮令沸看冷煖浸之即再煖用之半日當愈

治小兒入水手足皸裂腫痛血出

用生胡麻搗爛塗之

又方

用棗煮取肉研細傅之一宿後用甘草湯洗即瘥

又方

用猪脂日三二度塗之

陰瘡

附論

夫小兒下焦有熱則熱氣衝陰陰頭或腫便溺不得乃

至生瘡俗云尿灰火所為也

方

粉連散 治小兒陰腫生瘡

胡黃連

胡粉

各半兩

白礬

煨一錢

右為末生油調塗一方用蛤粉三錢川烏頭一錢為末以水調塗日兩次即瘥

治小兒陰瘡及腫

黃連

去鬚

胡粉

各半兩

右等分以香脂油和傅之一方以麴調塗

又方

白礬灰

胡粉

微炒各一分

右同研令勻細用槐枝煎汁調塗兒陰囊上

治小兒陰瘡

用人糞燒灰傳之瘡

又方

用狼牙草濃汁洗之一方用狗屎燒灰傳之或用狗

骨研細為粉傳之亦得

又方

用雄雀糞以陳漿汁傅之

治小兒股間連陰囊生瘡汁出先痒後痛愈後復發以
火灸瘡抓去痂令乾乃用後藥

古以蜂蜜煉却搜麩作燒餅炙熟以飴糖塗在餅上
乘熱熨之冷則再炙再熨三度即瘥

治小兒陰囊上瘡

栗殼

蚯蚓糞

葱地內
者好

淡豆豉

等分

右用生地黄薄荷同研勻之傳一二次即愈

治小兒陰莖上瘡

大柏皮 白藥 滑石

等分

右為末傳之

又方

蚌粉 槐花

等分輕粉少許

右研傳之

治女子陰門瘡

桃仁炒杏仁炒等分

右件搗爛傳陰門即效有葉但採二葉灸用

治小兒陰瘡

用猪尿五升水煮沸布裏安腫上

治小兒陰瘡不瘥

猫兒骨燒灰

右細研水調傳之

又方

用狼骨濃煎汁洗之

又方

用狐陰莖炙微黃搗羅為末以水調傅之

又方

用蔓菁根搗研傅之

治小兒癰卵腫

以狐肉煮汁任食之良

治小兒陰囊忽虛熱腫痛

用蚯蚓尿以生甘草汁調輕輕塗之

惡瘡

附論

夫小兒血氣純陽肌肉柔脆風熱邪毒易以致傷若榮氣不從逆於肉裏結成悍毒疼痛焮腫非常故名惡瘡其候或痒或痛或赤根隱肉硬不作膿或穿穴作膿久不得瘥治法隨內外証療之則瘡可愈

方

神水膏 治小兒惡瘡

蜜陀僧

細研

蘇蘇根

澱花

丁香

附子

去皮臍各半兩

麝香

細研半分

莨菪子

水淘去浮者半合

皂莢

一挺去皮子

防風

半兩

去硃砂

半分細研

土藜蘆

一分

沙參

半分

人參

半兩去蘆頭

芎藭 龍骨

檳榔

桂心

各半分

清麻油

一觔黃蠟

雨 二

右羅為末先以油入鐺中下諸藥末以慢火煎三兩沸後下黃蠟令消次下麝香攪勻膏成以瓦盒中盛但小兒瘡不識者塗於故帛上貼之不過三五上去

除根本

雄黃散 治小兒惡瘡人不識者

雄黃

細研

赤小豆

胡粉

研入

吳茱萸

生用各半兩

黃連

去鬚

黃蘗

乾薑

生用

蛇床子

膩粉

各半兩研入

右羅為末以生油旋調如面脂塗於瘡上每用先以槐枝湯洗瘡令淨拭乾然後傳藥

簡茹散 治小兒惡瘡久不瘥

簡茹

一兩

桑螵蛸

地龍

乳香

黃丹

黃蘗

一兩

麝香

研細

糯米粉

膩粉

各一分

右羅為散每少許井水和砂糖調藥傳之

大黃湯 治小兒惡瘡洗方

大黃

生

黃連

去

黃芩

澤蘭

白礬

枯

石南

各一兩

戎鹽

一分

蛇床子

炒三分

右麝搗篩每以二兩用水三升煮取二升去滓適寒

溫以綿絮內湯中蘸洗之日三次

走馬膏 治小兒諸般惡瘡及軟癰未穴作膿攻刺疼

痛不可忍

坐挈

一兩

黃蘗

一兩

甘草

木鼈子

白狗糞

各半兩

萊

豆

石榴皮

各一兩

右羅為末每使取牛蒡根搗取自然汁調藥末塗於瘡癰上三換之如已破即不用貼此藥

茵芋湯

治小兒惡瘡浴方

茵芋

一兩

甘草

各三兩

苦參

各三兩

細辛

黃連

去鬚各二兩

麝

仁

二十枚去皮

右麤搗篩每以三兩用水五升浸汁煮取三升去滓
浴兒逐日用之

甘草散 治小兒惡瘡偏身如麻豆包裹膿汁乍痛乍
痒亦治王爛瘡

甘草

生用

芍藥

黃芩

去黑心

白朮

黃連

去鬚

黃蘗

去粗

皮各

半兩

右搗羅為細散用蜜和塗於瘡上日再亦可湯浴之
雄黃膏 治小兒惡瘡久不瘥并癰瘡及疥癬等並治

之

雄黃

細研

蔞茹

蛇床子

礬石

別搗為末
各一兩

水銀

半兩

於手上和以
津研如泥

右羅為末與水銀相和以臘月猪脂同研如膏於瓷
盒中盛每用先以泔清洗瘡令淨拭乾後塗瘡上仍
以黃蘗末用綿搵撲之令不污衣日三兩度用之

黃連膏

治小兒惡瘡癰腫疼痛

黃連

末一兩

硫黃

一分
細末

膩粉

一分
松脂

臘月猪脂

各一

右先取猪脂入鈔子內以慢火煎令化去滓次下松脂候鎔次下黃連等末以柳木篦子不住手攪勻候膏成以篋盒盛塗於瘡上日用之

黃粉膏 治小兒頭上惡瘡

胡粉

黃連

未各一兩

赤小豆

十四粒

和黃連糯米

二十二粒

水

銀

三分

右先將水銀於手掌中唾研後以麻油調藥入水銀

和塗瘡上

鉛丹膏 治小兒惡瘡

鉛丹

十兩

風化石灰

猪脂

各一觔

右將二味同研以猪脂攪作餅子燒通赤如此五度藥成搗羅為末濕瘡乾貼如乾瘡即作膏用猪脂調紙上貼之

胡粉散 治小兒惡瘡人所不能識者

胡粉

炒黃色五兩

黃連

去鬚

黃蘗

去粗皮各三兩

右搗羅二味為散與胡粉相和一處研勻傳瘡上日

再立驗

黃連胡粉膏

治小兒惡瘡

方見本門頭面身體瘡類

又方

膩粉

三分

黃連

去鬚

蛇床子

各三分

右搗為散每使時先用溫鹽湯洗瘡令淨拭乾以生油調塗之不過三五上永瘥

治小兒諸般惡瘡

土藜蘆

取皮焙乾
為末別研

不夾石雄黃

輕粉

水粉

蚌粉

等分

右和勻先用鯽魚一尾入真清油內煎候熟去魚以油攤冷塗藥傳瘡三日後以葱湯遍身洗浴所穿衣服並脫去淨洗乳母忌油膩肥汁燒酒煎炙及熱物等立效癰瘡用真米醋調立效

治惡瘡久不瘥

五倍子

海螵蛸

白膠香

等分
為末

右先煎葱椒湯洗次糝患處即成靨子仍服四順飲
忌毒物

治身面卒生諸惡瘡

胡粉 水銀 黃連

去鬚為末
各一兩

右為末傅之瘡乾則和猪膏傅之一方用蜜調傅瘡

又方

用蛇蛻皮燒膏和傅之

猪膏須用
鴈月者妙

又方

用燒鷄子殼猪膏和傳之

治身有惡熱氣數起瘡者

用熬豉令黃末傳之無數煮桃葉浴之

治小兒惡瘡人所不識者

用蝦蟇一枚燒灰搗羅為細散入麝香一分一處同
研勻乾傳上

又方

用柳枝葉三握剉用水五升煮至三升去滓入鹽少

許淋洗瘡上

治小兒惡瘡

楸樹葉

一兩乾者

乾漆

一分搗碎炒令烟盡

右羅為末以大麻油調塗日三用之

又方

藜蘆

一兩去蘆頭燒為灰用

虎頭骨

一兩燒灰

右研為散以臘月猪脂塗調日三用之

治小兒惡瘡及沙虱水弩甲疽凡是惡瘡並用此方

用蜣螂十枚端午日收者佳搗羅為末以生油調傅之立效

治小兒卒得惡瘡不可名識宜用此方

用淡竹葉二兩燒為灰細研以鷄子黃調塗之

又方

用馬骨燒灰細研以臘月猪脂和塗之

又方

用頭垢膩以臘月猪脂和塗之

治小兒身上惡瘡

用皂角水洗拭乾以少麻油搗爛頻傅即瘥

治小兒身中惡瘡

用竹筴煮汁令澡洗又燒筴皮作灰傅之

治小兒惡瘡匝身衆藥所不能療者

用取父裊洗取汁以浴兒勿使母知良

治惡瘡有死肉者追膿

白丁香 輕粉 粉霜 雄黃 麝香

錢各一

巴豆

三箇

去油

右同研細新飯和作錠子用之

諸般惡瘡生膿者及瘡疹後膿水不乾者貼衣及流膿
成片難痊逐年復發及熱瘡諸藥不效悉治之

川黃連

二兩晒乾碾末輕粉少許

右用香油稠調黃連攤於瓦碗內却收北艾揉軟燒
烟覆碗在煙上薰之艾三圍為度令熱透碗底候覆
碗冷再用香油旋化開入輕粉調勻傳於瘡上日換

卷四百六
二次三日即平若小兒頭瘡加松香在內同傳

魚臍瘡 附論

夫小兒魚臍瘡者此瘡頭黑深破之黃水出四畔浮聚起狹長似魚臍故謂之魚臍瘡也

方

治小兒魚臍瘡

芫花根

二兩
細研

猪牙皂角

五挺

黑豆

三合

白礬

三兩燒
灰細研

右藥用醋七升先浸芫花根及皂角黑豆三日於釜

中以文火煎至二升去滓後却於別鐺中煎至一升
入白礬灰攪令勻膏成以篋盒盛攤於故帛上貼

又方

蛇蛻皮

一兩炙微黃

鷄子

一枚打碎取清

右以水一大盞煎至五分去蛇蛻皮入鷄子清攪令
勻更煎三兩沸放溫量兒大小分減服之

又方

用臘月猪脂並髓以鷄子清調令勻塗之

又方

用寒食麴燒灰細研傅之

又方

用白蒿莖搗取汁先以針刺瘡上及四畔滴汁於瘡

中即瘥

又方

一名鷄
清方

治瘡頭黑深破之黃水出四畔浮漿起四

角長似魚臍及身體生瘡

用蛇蛻皮燒灰存性研細以鷄子清調塗瘡上

又方

右當瘡上切大蒜片子貼定以艾灸二七壯換蒜畢
研豆厚罨定效

浸淫瘡

附論

夫小兒五臟有熱薰蒸皮膚為風濕所折濕熱相搏身
體發瘡初出甚小有膿汁浸淫漸大故謂之淫瘡也

方

苦瓠散 治小兒浸淫瘡漸展不止身體風濕發瘡膿

汁浸淫漸大

苦瓠

二兩

蛇蛻皮

半兩

燒灰露蜂房

半兩

樛上塵

一合

右為細末以生油調塗故帛上貼乾癬宜用羊蹄根
絞自然汁調二粉塗之濕癬宜用青金散貼之

治小兒浸淫瘡

韶粉

蛤粉

等分

輕粉

少許

右研勻以臘月猪脂調和塗之

治小兒浸淫瘡在頭面耳者

石蟹 香白芷

各等分

右為細末先以甘草煎湯洗淨乾摻瘡上一方用小油調傳瘡上即日愈

治小兒浸淫瘡漸展不止

鯽魚

一枚長三寸者

豆豉

一合

右搗如膏塗之亦療馬鞍瘡若或先起四肢漸向頭面者難治也

治小兒浸淫瘡

竈中黃土 髮灰

右等分為末以猪脂和塗之

又方

用鷄冠血塗之

又方

用鯽魚膏塗之

又方

用生鯽魚薄切大片和鹽塗之

又方

用胡燕窠燒灰以水和塗之

治小兒浸淫瘡疼痛不可忍兼發寒熱

用刺薊末新水調傅瘡上乾即易之

漆瘡

附論

夫人無問男女大小有稟性不耐漆者凡是見漆及新漆器便着漆毒令頭面身體起癰疹色赤生瘡痒痛者是也

方

藍葉散

治小兒漆瘡四肢壯熱

藍葉

麥門冬

去心

川升麻

半兩

犀角屑

三分

木通

茯苓

神

各半兩

馬牙硝

三分

甘草

半兩炙

右搗羅為散每服一錢以水一盞煎至五分去滓放

溫量兒大小加減

又方

木通

川升麻

各一分

川大黃

三分炒

木防己

一分

川朴

硝

三分

桑根白皮

半兩

右搗麤羅為散每服一錢水一小盞煎至五分去滓
放溫量兒大小分減服之

化毒散 治男女有稟性不耐漆者見生漆及漆器便
着毒生瘡痒痛

木通

一分

藍葉

麥門冬

犀角屑

馬牙硝

甘

草

灸各一分

右搗羅為散每服一錢以水一小盞煎至五分去滓

溫量大小加減

柳枝膏 治男女稟性不耐漆者生漆瘡四肢壯熱

垂柳枝

五兩

苦參

二兩

黃芩

一兩

右剉細為麤末每用三匙頭以水兩碗煎至一碗濾去滓研入好墨半匙頭拌令勻再熬成膏以瓷盒盛候冷每用少許塗於瘡上一方用黃連一兩

又方

用濃煎蔓菁湯看冷熱洗之

又方

用川芒硝細研搗鷄腸草汁和塗之

又方

用蟹二枚生者搗爛以水二合同絞取汁塗之

又方

用糯米嚼令爛塗之

又方

用濃煮柳葉湯看冷熱洗之

又方

用茅香漬汁頻洗之

又方

用小麥麴搗末以鷄子白和塗之

又方

用羊乳汁塗之

又方

用磨刀石下泥塗之

又方

用濃煎荷葉湯着冷熱頻洗之

又方

用貫衆搗末以生油調塗之

又方

用猪脂塗之

又方

用馬尿洗之

又方

用薤白生搗如泥塗之煮汁洗之亦佳

又方

用煎濃黃蘗湯看冷熱洗之

又方

用菜子油塗之

又方

用濃煎新麻芎藭湯看冷熱洗之

又方

用搗韭汁塗之

普濟方卷四百七

欽定四庫全書

普濟方卷四百八

明 周王朱橚 撰

嬰孩諸瘡腫毒門

王爛瘡

夫小兒臟腑有熱熱薰皮膚外為濕氣所乘則變生瘡其熱偏盛者其瘡發勢亦盛初生如麻子須臾漸大汁流潰爛如湯火所灼故名王爛瘡也

方

赤芍藥散 治小兒王爛瘡一身盡如麻子有膿汁乍

痛乍痒或時壯熱

方見木門
惡瘡類

治小兒王爛瘡

用蘿蔔根燒灰傅之佳

秫米散 治小兒王爛瘡及惡瘡

秫米 竹篠

等分

右燒灰細研為末以田中禾下水調之

黃連散 治小兒王爛瘡初患一日肉色變二日皴漿

出或四畔時赤漸若漿匝身即不可療其狀如湯火
宜速用此藥

黃連末

胡粉

各一兩

右細研令勻以生油塗之

治小兒王爛瘡

四交道中土 竈下土

右各等分為末傅之亦治夜啼

治小兒王爛瘡初起炮漿似火燒瘡宜用此方

桃仁

湯浸
去皮

右搗令細以麴脂和塗之

又方

用吳茱萸酒煎汁塗之

又方

用赤地利搗末以酥和塗之

又方

用燒艾灰傅之如瘡乾即以生油調塗之

又方

用燒牛屎傳之亦可滅癰痕亦治癰瘡

頭面身體生瘡

夫小兒臟腑熱盛氣衝發皮膚而外有風濕折之與血氣相搏則生瘡其狀初赤起瘡癰後及至膿汁或瘡或發生身體或生頭面隨處皆有也

方

大黃湯 治小兒上下生瘡

芍藥

黃連

黃芩

各三兩

苦參

八兩

大黃

二兩

蛇床子

一升黃蘗

五兩菝葜

一觔

右㕮咀以水二斗煮取一斗以浸浴兒

吳茱萸散

治小兒頭面風瘡及身上或如麻豆多痒

吳茱萸

微炒

赤小豆

薰黃

研入

鵲巢

微炒各半兩

葶藶子

微炒

藜蘆

各一分

皂莢

燒灰一錢

白礬灰

半兩

右羅為散以生油旋調塗瘡上以瘥為度

漏蘆散

治小兒頭面身體生赤瘡濕痒黃水不止

漏蘆

當歸

微炒

黃蘗

黃連

去鬚各一分

五倍子

一兩燒令

烟盡麝香

一分研細

膩粉

二錢研入

右羅為散入研了藥更研勻每用時先煖鹽漿水洗
瘡令淨拭乾以生油調稀稠得所塗於瘡上如乾處
即不再塗餘濕赤處即更塗之以乾為度藥後不得
洗之

苦參湯

治小兒頭面身體上下生瘡不瘥

苦參

八兩地榆

黃連

王不留行

獨活

艾葉

各五
兩 竹葉
升 二

右㕮咀以水三斗煮取一斗浴兒瘡上乾傳黃連散
治小兒三五月內頭面瘡起身體大熱

升麻 柴胡 石膏
各六
銖 甘草 當歸
各十
銖 大黃

黃芩
各十
銖 八

右㕮咀以水四升煮取二升分服日三夜一量兒大
小用之

青砂散 治小兒身體頭面諸瘡

青黛 硃砂

硫黃 研

水銀

以棗穰研令
星盡各半兩

胡粉

赤小豆

各一分

右拌勻研細每用少許以生油膩粉調塗患處

治小兒頭面身體生瘡累醫未效宜用此方貼之

吳茱萸

半兩
微炒

川大黃

一兩

膩粉

一分

麝香

一分
細研

龍膽

一兩

去蘆
頭

右羅為散以生油調塗瘡上日二用之

黃連散 治小兒頭面身體生瘡熱盛

黃連

去

鬚黃蘗

胡粉

各一兩

苦參

二兩

水銀

一兩與胡粉相和點

水少許研

令星盡

右羅為散入水銀胡粉研勻如瘡在面上以面脂和塗之如在頭上及身上以生油塗之

黃蘗散 治小兒頭面身體生瘡熱痛

黃蘗

一兩半

水銀

半兩

苦參

三兩

黃連

一兩

去鬚

右羅為散以猪脂和攪入乳研水銀星盡每使先用

泔酒洗瘡令淨拭乾傅之日三上效

黃連散 治小兒頭面身體生熱瘡

黃連

一兩
去鬚

蛇床子

二兩
微炒

黃蘗

二兩

胡粉

半兩炒
今黃色

右羅為散若頭上身上生瘡以生油調如泥塗之若面上生瘡以猪脂和塗之

蕪荑散 治小兒頭面及身體生瘡久不瘥癢痒殺蟲

蕪荑

三兩
微炒

葶藶子

一兩
微炒

白礬

一兩燒
今汁盡

吳茱萸

半兩
微炒

右羅為散以生油調塗日二用之

雄黃散 治小兒身體生瘡皮膚赤痛癢痒

雄黃

三分
細研

白礬

半兩燒
令汁盡

井鹽

一分
莽草
兩

右羅為散以生油調塗日三用之

胡粉膏 治小兒頭面身體生瘡久不瘥

胡粉

水銀

與胡粉相和點少
許水研令星盡

白松脂

各一
兩

猪脂

二
兩

右先將松脂猪脂入鐺中煎成膏以綿濾過入水銀

胡粉攪令勻日二塗之瘥

黃連湯 治小兒頭面身體生瘡出黃膿水

黃連

二兩
去鬚

甘草

二兩

苦參

五兩

柳枝并葉

一握

右細剉和勻每用三兩以水五升煮至三升去滓着
冷熱洗浴即愈

黃連散 治小兒頭面身體生瘡水出

黃連

一兩
去鬚

胡粉

甘草

各三分

右羅為散以鴈月猪脂和如膏塗於故帛上貼之
日二換

又方

豆豉

一合炒
今焦

黃蘗

一兩

右羅為散每用先以熱灰汁洗瘡令淨拭乾傅之

黑豆散 治小兒頭面身體生瘡

黑豆 大麻仁

各二兩

右羅為散著竹筒內橫插熱灰火中以銅器承受當有汁出取之令汁盡便塗瘡即愈

又方

用榆白皮一兩炙令焦羅為散以醋和塗之以綿覆

之蟲出為度或以豬脂和塗之

又方

用黃黍米一升炒令黑焦羅為散以蜜水調和塗之

又方

用赤地利半兩搗羅為末以水浸梔子濃汁調塗之

又方

用膩粉以葱汁和塗之

又方

金匱要略卷之八
用兔絲子二兩搗令碎以水五升煎取三升去滓看
冷煖洗之

治小兒頭面身體生瘡赤腫焮痛

用地榆八兩細剉以水一斗煮至五升去滓適寒溫
洗浴瘡日三效

治小兒頭面身體有惡氣數起生瘡

用豆豉炒令焦搗羅為末每用先煮桃葉湯洗令淨
拭乾傳之

治小兒頭面身體生瘡肉突出方

用烏梅肉微炒搗羅為末傅瘡上效

治惡瘡生頭面

用貝母南星等分用湯泡七次研為細末入土砂少許乾則清油調搽濕則乾摻

治年少氣盛面生皰瘡

用麋角脂塗即瘥

治小兒面上忽生瘡黃水出

用鯽魚頭燒灰末和醬清汁傅日易之

治小兒偏身瘡炮

用茅香花桃葉同煮浴之令合諸香甚奇妙尤勝

集驗黃連胡粉膏 治小兒頭瘡月蝕瘡口邊肥瘡癰

瘡身體卒生惡瘡

黃連

二兩

胡粉

水銀

研入各一兩

右搗為散相和水銀研令相得傅瘡上縱黃汁引成瘡亦以粉之即瘥方用白礬一兩燒蛇床子一兩末

入用亦甚妙至耳邊到項上並用一方以猪脂調之

治小兒身上生赤疵方

用馬尿洗日四五度

治小兒身上有赤黑疵

以針父脚中取血貼疵上即消

又方

用狗熱尿傳之皮自卷落

苦參湯 小兒遍身生瘡宜用此方洗浴

苦參 大黃 赤芍藥 黃蘗 蛇床子

各一兩

各二兩

菝葜

四兩

右件咬咀每用一兩水三升煎至十餘沸去滓通手

洗之

治一切滿身手足爛痛

鷹爪黃連

為末用水調塗碗內覆碗又用艾烟薰過今乾刮下

輕粉少草烏

燒存性

黃柏皮

各等分

右為末臘油煎香調搽累有神效

治小兒面上生瘡子純出膿消癩法

急以真酥潤之頻潤為佳纔有瘡痂急割去更潤之
痂硬不落有礙生肉遂成癩子此理昭然人多不知
反謂剝早成癩誤也

防風散 治小兒身瘡

防風

胡粉

各一錢半

川芎

荊芥

牛蒡子

連翹

各一兩

右為細末每服二錢水一小盞煎五分去滓空心服

風丹加薄荷湯下

又方

用連翹煎下四君子湯

蠅螬繞腰腹成瘡

附論

凡蠅螬蟲長一寸許身有毛如毫毛長五六分脚多而甚細居屋壁之間其遊走處遇人影則尿之人隨所尿著影處人身即應之生瘡人病之者多著腰瘡初生之狀匝匝起初結痞癰小者如黍大者如麻豆漸染生長

潤繞腰腹生膿汁成瘡也

方

治小兒蠅螬瘡

用燕窠土研細以猪脂和傅之

治小兒蠅螬瘡繞身

用蒺藜葉搗傅之無葉用子亦可

又方

用敗蒲扇以水煮濃汁塗之

又方

用菹豆葉搗爛塗之

又方

用生甘草搗末傅之

又方

用鹿角燒灰細研以酒和塗之水磨亦可

又方

用道邊蒲席燒灰細研傅之

又方

用槐白皮半觔細剉以醋二升浸半日以醋洗之日

五六度

又方

用赤小豆搗末以醋和塗之瘡乾再塗小兒以水和

又方

用大麥爛嚼傅之日上三次瘡

又方

用梨子嚼汁塗之乾則再塗之梨葉亦可

又方

用栗子爛嚼傳之

又方

用扁竹汁傳之

又方

用生白礬細研以生葱汁調厚塗之

伐指

附論

夫小兒伐指者其指先腫焮熱痛其色不黯然後方始
爪甲結膿極者爪甲脫也亦名伐甲亦名糟指亦名土
灶夫爪筋之餘也由筋骨熱盛氣滯不通故結腫生膿
而指甲脫也

方

治小兒伐指腫痛方

用麻黃三兩搗碎以水二碗煎至一碗乘熱畧浸指
于中日十餘遍即愈

治小兒伐指逆腫方

用雜毛和黃土作泥泥指上令厚五分內塘火中煖之令微熱可忍候泥漸漸乾即易不過二三度即愈

又方

用猪脂和曲蟾研傅之數易之

又方

用取梅核中仁熱搗以醇苦酒和傅之已瘥即止一

方入麻黃三兩

又方

用梁上塵鐵鍋中熬赤以人唾和之傅上令厚一寸即消

又方

用小便和鹽作泥厚裹之數易即瘡更用鏡針刺血出最妙

癰瘡

附論

夫盛夏之月小兒膚腠開易傷寒熱寒熱毒氣搏於皮

膚則生癰瘡其狀如湯之潑輕者匝匝如粟粒重者熱浸漬成瘡因以為名人呼為癰子也

方

龍腦散 治小兒盛夏月因汗腠理開疎風熱毒氣客之則生癰瘡其狀如湯之沸或紛紛如粟粒呼為癰子甚者磨破經效

龍腦

研

黃蘗

末各半兩

白麩

臘茶葉

各二兩

右同研令細每用新綿搵藥撲於瘡上破即傳之以

瘡為度一方有赤石脂半兩一名赤石脂散

葛粉散 治小兒夏月痱瘡及熱瘡

葛粉

三兩

甘草

生一兩

石灰

炒一兩

右羅為末以綿搵撲於瘡上以瘡為度

滑石散 治小兒體熱癰瘡

滑石末

三兩

白礬灰

一兩

棗葉

四兩

右羅為末先以溫漿水洗瘡後取藥傅之即瘡

又方

胡粉

半兩

白龍腦

一錢

右細研先用棗湯洗後以散摻一方用棗葉

治小兒癩瘡熱破痛不止

乾藕節

二兩

生麻油

三合

右先搗麻油如膏後下藕節末和別入生蜜稀稠得所塗於瘡上不過三五度

療小兒熱癩

以兔絲莖按煮湯浴兒

湯火瘡

附論

夫小兒被湯潑火燒者初時慎勿以冷物井下泥及尿并蜜塗搗之其熱氣得冷即却深搏至骨爛入筋也所以人中湯火筋脈攣縮者良由此也

方

羊骨膏 治小兒火燒瘡敗壞

羊髓

一觔

柏白枝

生地黃

蛇銜草

黃芩

梔

子仁

苦竹葉

各一兩

右細剉先於鐺中煉羊髓令沸次下諸藥同煎候地
黃色黑為度以綿濾去滓傾於瓷器中候冷塗於瘡
上日數度用之

白膏方 治小兒湯火瘡

白松脂 白蘇 白芨 定粉

各半兩

乳香

一分 清油

二 黃蠟

一兩

右羅為末先以油入瓷鍋內用慢火熬令香下黃蠟
令鎔次下諸藥末不住手攪熬成膏以瓷盒盛候冷

日三四度塗之

大麻膏 治小兒卒被湯潑火燒苦劇者

大麻子仁

一合

柏白皮

白芨

甘草

梔子仁

各一

兩

右剉以豬脂一觔熬黃色為度以綿濾去滓盛於甕
盒中候冷日三度塗之一方用生地黃無梔子仁

生地黄膏 治小兒湯潑火燒赤痛

生地黄

柏白皮

苦竹葉

甘草

各一兩

右細剉以猪脂一觔煎令地黃色黑以綿濾去滓盛於不津器中候冷日三度塗之

治小兒火燒湯潑

百草霜 黃丹 茶末 蛤粉

各等分

右為細末用新水調搽

治小兒湯火瘡

柏葉 梔子仁

各一兩

胡粉

半兩

右羅為末以羊髓五合入鐺中於微火上化之後下

諸藥末不住手攪熬成膏盛於不津器中候冷塗之
以瘡為度

又方

白礬

燒灰
二兩

梔子

三七枚燒灰
煙盡為度

右細研為散以鷄子白調塗之

又方

柏白皮

半觔
研細

右以猪脂五兩入鉋子內與柏白皮同煎焦黃色取

下綿濾去滓內入瓷盒中候冷塗之

又方

用丹參搗末以羊脂和傅之

又方

用死鼠一枚以清油一觔煎令黑焦去滓日三度塗之

又方

用榆白皮嚼熟塗之

又方

用梔子仁以水浸汁日五六度塗之

又方

用蓀蓀根去土燒灰研細以鷄子白和塗之

又方

用柳白皮細剉半升以猪脂一觔相和煎候柳皮黑去滓放冷日二塗之

又方

用雄黃末以醋調塗之

又方

用浮萍草搗末以溫水調塗之

又方

凡初被湯火所傷便取狗毛碎剪消膠和之遍塗於
瘡上以帛封之自封以至痂落更不易之亦不痛甚
良

又方

用新牛糞取汁塗之

又方

用粟米熬令焦投水中却漉出爛研傅之效

又方

用黍煮粥以鷄子白和傅之

又方

用乳頭香水研薄荷塗之

又方 治小兒卒破湯潑

用牛皮膠以漿水同入瓷器內慢火煨令化厚塗之立瘡

又方

用煮生大豆汁塗瘡無斑一方黑豆濃煎汁塗

又方

用窑中新磚瓦末經雨濕者磨取末麻油塗調傅

又方

用蛤蜊殼燒成灰細研如粉以臘月猪脂調如無猪

脂以麻油亦可疼即止其瘡即乾

磁石散 治小兒湯火傷

用景鎮瓷器不拘多少打碎埋土內炭火鋪上經一宿取出放地上出火毒碾為末入黃丹水調傳患處治小兒不覺墜火上

用醋和泥傳之即無痕

黃金散 治小兒湯燙火燒破瘡大有神效燒破重者不過三上立效

白芨

四兩
為細末

苦參

二兩

右二味同研勻如有湯火燒燙破瘡上用新井花冷水調成膏敷貼燒破上用兔毛蓋之如無兔毛羊絨蓋之第三日用小油潤去痂再三重不過三上立效
治小兒湯火瘡

用大豆水煮取汁塗上易瘥無斑

癰瘡

附論

夫小兒癰瘡者由風濕搏於血氣所成多著手足節腕

間匝匝然搔之痒痛浸淫呼之為癩以其瘡有細蟲如
癩蟲故也

方

蛇床子散 治小兒癩瘡及濕癬

蛇床子 附子 雄黃

細研

吳茱萸

白礬

苦參

各一分

右搗羅為末傅瘡上日三用之

螺殼散 治小兒蝸瘡痒痛

螺殼

一兩
爛者

亂髮

燒

龍膽草

末

胡粉

各半
兩

右細研為散以油脚調塗之

水銀膏 治小兒癩瘡及疥癬惡瘡

水銀 白礬 蛇床子

黃連

去鬚各
四兩

右除水銀外搗羅為散以臘月猪脂七兩入和研至

不見水銀膏成傳瘡神效

治小兒濕癩瘡

胡燕窠

一枚取大寬抱
子餘處不用

右細羅為散每使時先以水煎甘草入鹽少許作湯
溫溫淨洗瘡拭乾以散傅之三兩上便瘡若患惡瘡
以醋用帛裹之日二易當愈

治小兒癰瘡及疥癬

苦參

三兩

右為末以蜜和塗之

治小兒乾癰濕癰疥癬

用棗根皮葱白搗如膏以猪脂和塗

金匱要略卷之八
卷四十八
治小兒久癩瘡及疥癬內黃水汁出

用羊蹄草搗爛以白蜜和絞取汁塗之

治小兒癩瘡

用桃爛搗以醋和塗之

白禿瘡

附論

夫小兒白禿瘡者由頭上白點斑剝初似癬面上有白皮屑久則生痂成瘡遂至偏頭洗刮除其痂頭皮有瘡孔如筋頭大裏有膿汁出不痛而有微痒其蟲甚細難

見九蟲論云是蟻蟲動作而成此瘡乃至自小及長大
不瘥頭髮禿落故謂之白禿瘡也

方

皂莢散 治小兒白禿瘡瘥而復生

皂莢

二挺
燒灰

黃芩

硃砂

細研

麝香

細研

黃丹

炒

檳榔

各一

分

白芨

半兩

乾薑

一分
燒灰

右搗羅為末以濃醋調塗之甚者不過三上瘥

松脂膏 治小兒白禿瘡及諸癬

松脂

半兩

天南星

川烏頭

去皮

膩粉

各一分

杏仁

一兩

浸去皮

清油

二兩

黃蠟

一兩

右搗羅為末先取油蠟入於瓷器內以慢火鎔之後下諸藥末和攪令勻熬三五沸膏成候冷塗瘡上日再用之

又方

蕪荑

豆豉

各一分

川椒

二十粒去目

右搗如泥以陳醬汁調塗之

又方

柳葉枝

握一水銀

半兩以唾

研今星盡

皂莢

一挺去

皮子

右細剉以醋一升煎至令濃去滓再熬成膏下水銀攪勻以瓷盒盛之日二塗之

野葛膏 治小兒白禿瘡無髮苦痒

野葛末

猪脂

羊脂

各一兩

右藥同煎三五沸攪令勻濾去滓盛於瓷器中候冷塗之不過三上瘡

黑豆瀝方

治小兒白禿瘡及疳頭髮連根作穗脫落

髮不生者

黑豆

三合

菹勝子

三合

訶梨勒皮

一兩

右為末以油水拌令勻內在竹筒中用亂髮塞口以
煑火燒瀝取膏盛取不津器中每使時先以米泔皂
莢洗淨然後塗之日二用十日內髮生矣

又方

巴豆

十枚去皮心研
紙裏壓去油

鹽

一塊如
粟子大

麻油

一合

右藥都入乳鉢內研如膏日三度塗之瘰

治小兒白禿瘡痛痒不瘰

赤桑根

桃花

三月三日取未開者陰乾各一兩

右羅為散以臘月猪脂和如膏每使時先以桑柴灰
淨洗拭乾塗之瘰

黃蘗散 治小兒白禿瘡髮落苦痒

黃蘗末

薰陸香

各一兩

右細研以生麻油調稀稠得所塗之乾即更塗不過

三四度即瘥

治小兒白禿瘡

馬藺根

一兩炒

藜蘆

半兩去蘆頭炒令焦

右為末每用時先以泔清淨洗瘡拭乾傳之

鯽魚方 治小兒白禿瘡

鯽魚

一尾重三兩去腸肚以亂髮填滿濕紙裏燒存性

右為末用生麻油調傳先以蠶水洗拭乾後用藥以猪脂調亦可

治小兒白禿瘡髮不生

用蔓菁子川烏頭等分燒灰細研以生油和塗之

治小兒白禿髮不生瘡有汁出或無汁乾燥痛

用鷄子七枚用黃以銅器中急火熬令乾細研傅之

治小兒白禿瘡

用東引棟樹枝皮剉碎搗羅為末以豬脂和傅之

又方

用梁上塵五兩細研每用時先以皂莢湯溫溫淨洗

拭乾傳之

又方

用芫花搗末以臘月猪脂和塗之

又方

用雄鷄糞白細研以陳醬汁調傳之

又方

用熊脂五兩鎔令消塗之

又方

用瓦青衣細研以油調塗之

又方

用醋泔洗頭後淋蕎麥灰汁再洗之

又方

用葵根燒灰細研傅之

又方

用蛇蛻皮燒灰細研猪膏調傅

又方

用大蒜研令爛傅之

又方

用牛糞塗之

又方

用苦葶藶子微炒搗如膏傅之

又方

用桑白皮為末醋調傅之

如聖散 治小兒白禿瘡痂痒不可忍立效

生白礬

瀝青末

各一兩 輕粉 二錢半

右三味同研勻先用葱白槐枝熬湯洗瘡淨絹帛揩乾糝藥在上再用小油調搽三五上髮自然生出神效

療禿瘡

取虎膏塗之

治小兒白禿髮不生汁出燥痛

以陳香薷濃煮汁少許脂和胡粉傅上

癰瘡

附論

夫小兒癰瘡者由風熱邪氣客於經絡使血氣否澀初
生作細癰癰形如梅李核或如箭筈或圓長長者至五
六分不過一寸或二三相連時發寒熱潰膿血不止者
謂之癰也是五臟六腑之氣不和致血氣不足而受寒
熱邪氣所為也然癰者有鼠癰蜈蚣癰蚯蚓癰螬蟻癰
今各以一方治療之也

方

丹砂膏 治小兒諸瘡久不瘥作癰孔疽癰

丹砂

半兩
細研

雄黃

細研

苦參

各一兩

川大黃

黃連

去鬚
蘭

茹

各一兩

白礬灰

細研

莽草

各半兩

右細剉用煉過猪脂二觔於鐺中煎藥候紫色以綿濾去滓入丹砂等二味以柳木篦攪令勻瓷盒盛塗於瘡上每日換之妙一方有雌黃無苦參

烏蛇散 治小兒諸般癰瘡久不瘥

烏蛇肉

炒黃

蒺藜子

三分

曲頭棘針

亂髮

燒灰各半兩

馬

齒莧

三分墻上者

雄黃

細研一分

緋帛

燒灰半兩

右羅為散以酒調內瘡孔中以瘥為度

夜明沙散 治小兒久癩移易三數處皆生瘡孔者

夜明沙

一兩

白殭蠶

乳香

臈面茶

各半兩

右細羅為散傳於瘡上以瘥效

赤小豆散 治小兒一切癩出膿水項強頭疼四肢寒

熱

赤小豆

一合炒熟

白薇

露蜂房

燒灰各一兩

蛇蛻皮

二寸燒灰

右細羅為散每服以粥飲調下半錢量兒大小加減服之

治小兒諸癰穿穴成瘡痛不可忍者

馬齒莧

兩

槲樹白皮

兩

麝香

三錢

杏仁

三兩

去皮炒黑研如

膏

右除麝香杏仁外細剉以水五升煎至一升濾去滓澄清入麝香杏仁相和令勻更煎令稀稠得所以瓷盒盛每使塗於故帛上貼日二換之

又方

用牛糞堆上赤茵一名朝生暮落花乾者搗末傅瘡

上立效

又方

用乾楸葉搗羅為末以生油調傅之

又方

用塚中石灰細研傅之厚著之良

又方

用煉成松脂末填瘡孔令滿日三用之效

又方

用霜下匏花曝乾末傅之

又方

用桑根燒灰傅之并燒烏羊角作灰相和傅之

又方

用煉成松脂末并髮灰生黃丹傅之

備急若患漏瘡頭盡開出膿夜復合者

用大附子一顆內鯽魚腹中炭火上燒灰以研末傳之更搗蒜封之良

諸漏瘡方

百日兒尿蜜器封五日取塗之 惡核漏瘡並戒怒氣不然核大漏則水多

漏瘡方

真龍骨

蜂房

炙黃各二錢

黃丹

炙

五倍子

降真香

節 枯髌骨

一朮各一錢

右為細末傳之

疣目瘡

附論

夫小兒疣目者由附着肉生如麥豆大與肉色無異俗謂之疣子即疣目也亦有三數箇相聚而生者割破裏狀如筋而強微有血而續後又生此多由風邪客於皮膚血氣變化所成故亦有藥治之亦有法術治之而並得瘡此疾多生手足上

方

治小兒疣目

桑柴灰

四升以湯淋取汁入砂盆煎如飴

附子

二枚去皮臍生用

硃砂

一分

研
入糯米

五十粒

右羅為末煎調令勻每取少許點疣目上即自落無

治黑痣

又方

桑柴灰

一作桑皮

艾灰

各三升

右藥以水五升淋之又重淋三遍以五色帛內汁中

合煎令消點少許於疣目上則爛脫矣

又方

用糯米五十粒於濕石灰裏埋之以爛為度用針撥
破疣目傳之經宿自落

又方

用硫黃細研以醋調塗疣目上六七度

又方

用松脂柏脂搗末以石灰汁調點少許於疣目上自

落

又方

用七月七日以大豆一合拭疣上三遍即令病人自種豆於南屋東頭第二流中豆生四葉以熱湯浴之瘡

又方

用石灰以醋漬六七日取汁點疣目上小作瘡即愈

又方

用蜘蛛絲纏疣目即落

又方

用杏仁燒令黑研膏塗之

又方

用牛涎數塗疣上自落

又方

用針及小刀子決目四面令似血出取患瘡人瘡中
汁黃膿傅之莫近水三日即膿潰根動脫落

治小兒偏身如魚目無膿謂之疣目瘡東坡謂之征虜瘡

用升麻一味剉煎百沸却入蜜一二匙以瓷器內盛之用鵝翎拭瘡上

諸瘡

附論

夫小兒傷濕血氣壅滯則生瘡多有父母姪子不好潔淨衣襦不與頻換洗滌或尿屎穢惡連日不洗亦能浸漬而生瘡天氣溫和頻與澡洗更衣名曰外宣亦不須

服藥小兒不得已服藥此乃下策將養合宜何病可侵
更令乳哺有節勿令過飽其身乃如藥樹此養生之理
也 凡小兒甜瘡久不愈者俗呼為香瘡是也多在面
部兩耳前一法令母口中嚼白米成膏子以塗之不過
三上則愈矣小兒并母皆忌鷄猪魚兔酒醋動風發熱
之物如治疳指亦同此法 凡人自孩提以至弱冠潮
熱發瘡只是瘡氣使然蓋瘡蟲耗其精髓蝕其肌膚體
虛膚空瘡熱流注遂至徧身熱瘡發渴無已須用猪肚

黃連丸主治仍以大腹皮苦參白芷煎湯浴之蘆薈丸肥兒丸二藥夾和佑之可也

方

甘草芍藥湯 治小兒火灼瘡一身盡如麻豆或有膿汁乍痛乍痒

甘草 芍藥 白歛 黃芩 黃連 黃蘗 苦

參

各半兩

右為末以蜜和傅之日二夜一亦可作湯洗之

水銀膏 治大人小兒一切瘡不識者神效方

水銀 甘草 黃蘗 黃連 松脂 膩粉 土

蜂窩

等分

右取水銀放掌中以唾碎為青泥入瓦碗中以生油和餅研生絹濾如稀餡和藥末再研如稠餡先以溫水洗瘡布拭乾塗之治一切無名瘡此藥搽之立效
聞香散 治一切瘡

硫黃 蛇床子 黃連 黃蘗 輕粉 川椒

等分

右為細末以芝麻油調搽瘡上將手鼻內聞香

馬莧散 治小兒諸瘡久瘰不瘥

馬齒莧

牆上者

烏蛇肉

酒浸一宿焙各一兩

蒺藜

半兩

曲頭棘針

燒 亂髮

灰

緋帛

燒灰各半兩

右搗羅為末每用量瘡大小用白酒調以帛子貼瘡

上

生肌散 治小兒角腫生瘡及諸瘡口不合

真地骨皮

五倍子

甘草

各生

黃蘗

黃連

炒等分

右為細末乾糝瘡上以麝末用沸湯泡蘸洗乾處津

調傳

傳瘡藥

剪草 宣連

苦參

各等分

右為細末洗了次用麻油輕粉調傳

治小兒一切毒瘡并痘風瘡

大黃 鬱金 甘草

右等分為細末以臘月猪脂熬沸濾去滓入明礬末

攪勻放冷搽

生料四物湯 治血熱徧身生瘡腫痒及脾胃常弱不
禁大黃等藥冷劑宜服之

生乾地黄

赤芍藥

川芎

當歸

洗去蘆

黃芩

減
半防風各等分

右㕮咀水煎去滓大小以意加減忌酒麪猪羊肉豆
腐

洗疳瘡

用甘草節香白芷五倍子煎湯洗之

備急治小兒疳濕瘡

用艾葉一兩水一升煮取四合分三服瘥千金云艾葉切五升以水一斗煮汁取一升半分三服

治小兒面湮瘡 俗云銀瘡者是母受胎之日食酸辣及邪味過度多生此瘡

用白藥煎半兩白礬二錢為末小油調搽神效

治刀傷成瘡

用鼓槌草根即鬼箭草根取出不見水去土剉碎搗更入鹽同搗忌銅鐵器傳之

治火灼瘡 此候乃血氣熱肌熱而又傷熱其狀似火
疱先起疱而次靨成瘡宜服牛黃散仍用傳之一名
疱瘡

黃連 苦參

等分

右為末加輕粉和糝患處

洗瘡方

棗葉

無葉用根

菊花

各一握

右煎湯用猪膽水湯和浴次用煎藥乾糝之仍服牛

黃散無不瘥者

治無辜瘡毒

用黃連大柏為末以芭蕉汁調敷用留口搽瘡加輕粉有汁加黃丹煨麝香各少許和勻乾糝

治小兒疳濕瘡

用鐵衣著下部即瘥

治小兒疳瘡

用豬脂和胡粉傅之五六度

又方

用麻子嚼傅之日六七度

又方

用羊膽二枚和醬汁於下部灌之豬脂亦佳

治濕瘡

用濃煮地榆汁洗浴每日二度

又方

春用柳條荆芥夏用棗葉槐枝秋冬用苦參頻浴身
安外宣無病

治甜瘡

用大棗去核實以綠礬火燒微存性研細貼之如瘡
乾小油塗之

治胎毒瘡方 治一歲二歲內滿頭延及遍身生瘡皆
因在胎中父母恣情交合所致名曰胎蛆經久不瘥

先用化毒丹消毒飲服之却用父小便以鷲翎刷洗
瘡上青黛為細末乾糝效

治小兒口瘡兼治臍風瘡久不瘥

用五月五日蝦蟆炙杵末傅瘡上即瘥又治小兒瘡
瘡月蝕瘡癰疽節毒未破者用猪脂和傅之

療小兒面上瘡痘子癰法

用黃明膠慢火炙為末溫酒調服一錢匕出者服之
無癰未出服之瀉下又治小兒火燒瘡滅癰痕黃明

膠小鷄翎掃之

治小兒諸瘡

用燒卵殼研和猪脂傳之

治小兒尿灰瘡及臍瘡久不瘥

用伏龍肝和鷄子白塗之臍中瘡以末傳之

治小兒尿灰瘡

用大黑豆皮熟嚼傳之

治小兒風瘡久不瘥

用燒薊根節末以傅之

治小兒蓐瘡

用澤蘭心嚼傅之

治小兒火灼瘡一名漂漿瘡一名火爛瘡

用酒煎茱萸拭乾

治小兒患風瘡久不瘥

用當歸末傅之

治小兒蓐瘡無治白禿瘡

用燒葵根末傅之

香粉散 治諸瘡久不瘥

用白膠香半兩碾末輕粉二錢研和猪脂調傅或猪
筒骨髓白膠亦治大風即是松脂鎔煉投冷水中為
末水調空心常服

治小兒急黃并爛瘡

用赤小豆取汁冷洗不過三度瘥能令人美食末與
鷄子白調塗熱毒癰腫瘡通氣健脾胃

治小兒吐逆止鼻紅并瘡

壁錢蟲

右滴汁傳鼻中及瘡上并傳癰瘡

治刀傷成瘡

用真降香為末糝之如未尋得鼓槌草根用汁同降香為末傳之

連翹散 治驚瘡煩躁焦啼大能清心解熱久服則瘡自然輕減也

防風 羌活 連翹 荊芥 甘草 赤芍藥

梔子 蟬蛻 黃連

等分

右為散每服用燈心薄荷生地黃同煎

當歸散 治驚瘡顏色清淡

川芎 當歸 白蒺藜 白芷 甘草 人參

荊芥穗 防風 羌活

等分

右為散每服用鈎藤勾子同煎

烏犀膏 治一切驚熱瘡疾

元參 荊芥 大黃 等分

右為末煉蜜為丸如指頭大每服用一丸薄荷湯下
神異一擦光 治小兒諸癩疥白禿瘡肥爛瘡痒痛如
水流者神效

白芷 四兩 硫黃 三兩 白礬 枯一兩 樟腦 一兩

右為細末小油調成膏於瘡擦之再擦如此上三五
次尅日見效患者用之誠不負一擦光之名也用猪
膏亦妙先以皂莢葱白熬湯洗淨後上藥

柴胡通經湯 治小兒項側有瘡堅而不潰名曰馬刀

瘡

柴胡 連翹 當歸尾 各二分 紅花 少許 黃連 五分 黃芩

生甘草 鼠粘子 桔梗 荆三稜 各二分

右件咬咀麻豆大都作一服水二大盞煎至一盞去

滓稍熱服食後忌苦藥泄大便

乳香膏 治小兒煉銀瘡水浸徹或遍身瘡痂癬痒並

皆治之

世俗亂傳小兒煉銀瘡
搽之入腹信勿謬也

明漚青

黃蠟

各一兩

芝麻油

四兩

右三味一同煉開綿濾去滓入後項藥

黃丹

另研

枯白礬

各一兩

乳香

半兩另研

沒藥

二錢半研

輕粉

二錢

右五味一同研令入於前三味漚青蠟油搗於地上
不住手攪令成膏子如硬再入小油少許鎔開熬五
七沸搽於煉銀瘡癰上一日搽兩三上大有神效

香辦散

一名香辦瘡一名月耳瘡一名浸淫瘡此藥

治小兒耳邊身面上胷項上浸徹黃水到處成瘡其

效如神

荊芥

一兩半

小棗子

一十箇二味
燒灰存性

殺羝羊鬚

一兩碗
內燒存

性

枯白礬

二錢半
另研細

右件三味同研極細再入輕粉一錢半調研勻每用
少許小油調搽重者不過三上立效

立效散 治小兒大人粘瘡浸徹經年不效

枯白礬

黃丹

飛過各
一兩

白膠香

另研
一兩

右件三味一同研勻極細先用葱白荊芥熬湯洗淨

揩乾上藥後用小油調搽三五上即瘥

黃柏皮散 治小兒頤頤生瘡赤爛與乾糝之不問脾
虛驚熱並可服之

白皮 枯白礬

朴硝

等分

右為末搽患處即安

治風瘡不可療者

用真厚朴依燒瀝油法燒油搽一抹便用些香油抹
瘡上

治小兒腹瘡

以葛粉裹之妙

治小兒脚瘰如有瘡

取蠟濃煎塗之

主小兒醋瘡

以產死婦人塚上草作浴湯洗之不過三度佳取時

勿回顧

治小兒酢瘡

以仙人草煮湯浴之搗傳之亦可

此瘡頭小大硬者瘡或有不應瘡

而瘡者當汁毒入腹必危可預飲冷藥防之兼用此藥洗瘡

諸蟲咬傷

方

治小兒蛇咬

白礬 甘草

等分

右搗羅為末如蛇咬著心神熱燥眼前暗黑用新汲水調下半錢如有腫赤用白礬鹽漿水葛苴根等水

煎三五沸淋洗即腫氣自消如大段蛇咬著未及修
合藥用耳塞少許入在咬著處瘡口內以釀醋一滴
滴在瘡口痛即止

又方

合口椒

蒼耳苗

各一兩

右藥和搗傅之

又方

一名椒
豉散

生椒

三兩
去目

豆豉

三合炒
黑焦

右搗羅為末以津調看多少傅之立定

又方

用遠志嚼令爛傅之并內瘡孔中

又方

用白芷為末乾糝患處次用井水調白芷末傅之

治小兒蠅螬

用半夏以水研塗之立止

又方

用桂心水磨傳之

又方

用乾薑爛嚼傳之

又方

用大蒜研令爛塗之

治小兒蜈蚣咬

頭垢 苦參末

各一兩

右用研令勻以酒和塗之

又方

用桑白皮汁塗之

又方

用蝸牛活者生研厚塗之

又方

用薑自然汁煎作濃膏入白礬末少許調厚塗之

又方

用麻油燈薰患處次用鷄屎塗之良

治小兒蜘蛛咬

棗葉

柏葉

五月五日取

生鐵衣

等分

右搗羅為末以生油和如膏先火炙瘡然後塗咬處神效

又方

雄黃

一分

麝香

半分

右細研以藍汁一大盞攪令勻點咬處立效

又方

五加皮

一兩半
夏四兩

右藥燒灰研細以醋和塗之

又方

用生鐵上衣醋研濃汁塗之

又方

用菰莢苗一握搗如泥傅之

又方

用白殭蠶末以津和調傅若有絲出盡瘡矣

又方

用雄黃末以葱汁調厚塗之

又方

用生白礬末一兩以醋調成膏厚塗之

又方

用驢溺及乳以物盛傳之瘡亦取驢溺處臭泥傳之

亦佳

治小兒卒被諸蜂螫螫

露蜂房 白礬

各半兩

右搗羅為末以水煎如膏厚塗螫處效

治小兒卒被狗咬

用乾葛搗羅為末傅瘡上更濃煎葛汁與兒飲之

又方

用熱牛尿塗之立瘥

又方

用黃蠟鎔灌瘡中效

又方

用葱搗取汁每服半合日三服之

又方

用地龍糞封之毛出即瘥

又方

用杏仁湯浸去皮搗爛傅之不三五度效

治小兒卒被猫兒爪及咬損痛方

用剪刀草搗取汁塗之

治小兒被鼠咬痛成瘡不能愈者一二次愈

用猫尿塗於患處

治犬咬癩犬瘡發者能殺人

用韭葉按傳患處及令服韭汁數日

雄黃散 治蛇蠍蜈蚣所傷痛不可忍貼之立愈

雄黃

研另

生半夏

川烏尖

乾薑

各等分

右為細末乾搽痛處如痛不止用醃醋調搽其痛立

止

蠍螫南星散 治蠍螫蜈蚣所傷痛不可忍

草撥

三錢半

半夏

生二錢半

南星

生一錢半

白礬

生一錢

雄黃

二錢

右為細末用一捻就痛處搽之釀醋調貼之立效

靈聖散 治大人小兒風狗咬破瘡犬吠所傷其效如

神

天南星

生防風 去蘆等分

右二味研為細末先用葱白槐枝熬湯洗淨乾貼瘡

口上日用二度上膏藥蓋之

普濟方卷四百八